



Weyßnische

Bergk Chronica / oder

Commentarius von den Bergkwercken im Lande zu Meyssen / sampt andern / so fast in ganz Europa im beruff gewesen / vnd noch zum theil im schwange sein. Item / Von allen Metallen vnd Erdgewächsen des Landes zu Meyssen.

Durch

PETRV M ALBINVM

Churf. Sechst. Secretar.

Das bishero wenig von den Bergkwercken vnd Metallen geschrieben worden / Vnd wer sich dessen zu vnsern zeitten vnterstanden.

Der Erste Tittel.



S ist offenbar / das der gnedige Gott das Landt zu Meyssen vnter andern gaben vnd herrlichkeiten / Auch mit vielen vnd mancherley Metallischen Arten vnd Erzen / Ja mit einem sehr reichen vnd fruchtbaren Bergwerck / Insonderheit aber vnd fürtrefflicher weis / mit Silber Erz auff etlich Meylweges lang vnd breit (wie ein altes Bergbüchlein redet) für allen andern des Deudsehen Landes orten gezieret vnd begnadet: dan wir anderer frembden Länder aufferhalb Germani der Deudsch-

Land zu Meyssen vbertreffe viel Lande mit Metallen sonderlich mit Silber.

land / so gleicher weis dem Lande zu Meyssen in solchem fall weichen vnd weit nicht gleich gehen / allhie geschweigen. Derohalben denn gemeltes vnser liebes Vaterlandt auch wegen dieser Gottesgab bey vielen Landen vnd Völkern weit vnd fern in grossen beruff / lob vnd verwunderung ist: Vnd hin vnd wider *Mina fulgenti tellus opus lenta Metallo* gepreiset vnd gerühmet wird. Were derhalben wie etliche vernünftig vnd weislich erachtet haben / nicht allein recht vnd billich / sondern auch nützlich vnd löblich gewesen / das jemand vnter den Gelerten Leuten (derer dieses Land bis

Meyssen ist weit vnd fern beruffen wegen des Bergwercks.